

中華律藏

中華律藏

第六十卷

戒律實用文獻

同戒錄

• 各時代戒牒

佛教日用文件

香林寺同戒錄



香林寺戒壇題辭

蕭梁以前披薙卽爲受戒智藥授記
百五十年後有肉身菩薩在此受戒
者是也至北海戒壇銘所謂行道五
旬虛往實歸則與今之期場不殊是
開期傳戒自李唐始也

國朝雍正初停給度牒行者叅學非
戒牒不達自此禪門言行道尤重開
期開期頻數者爲耆宿然必其地係
名勝古刹則徒從望風四集日後雲
遊接衆者驗牒知其戒得自名山則
是不矜尙此所爲非古蹟不能重寺



非名寺不能重戒者矣金陵梵剎肇
自南朝者多古德遺事而皆不以戒
名以傳戒盛者推隆昌古林二寺竝
勑自明之中葉非香林開山趙宋又
開山卽以說戒著聲者比也香林本
荆公舊宅以病請捨得賜額爲報甯

禪寺時則有實禪師開堂於此學人
錄其說戒之語爲語錄荆公猶子旂
爲之序而米芾書之至景定猶存寺
中載在景定建康志及我

仁廟南巡入太平門聞林薄異香馥
郁迺



賜今名而寺僧言寺名凡四更荆公
掘宅後山得鍤佛羅漢而賜額不及
故宋亡卽更名鍤佛明有善士於山
門內鑿蓮池得銅像又更與善然考
荆公集及建業志從無掘山得像之
說檢今府志寺觀門無鍤佛之名唯

載文昌書院所奉鐵佛羅漢乃劉宋
草堂寺中物興善寺明內使勰建通
濟院本明內使居地湧青蓮掘得銅
像卽改宅爲院文昌通濟兩院皆久
廢其像於何時移供香林不可知興
善志載明建是與報甯無涉而衲子



附會無稽欲以神奇聳觀聽遂有掎
摭之者謂報甯一名半山今駐防城
東北隅半山寺是斥香林爲依託考
建康志蔣山太平興國寺在獨龍阜
去城東十五里半山報甯禪寺在白
塘去城東七里荆公好遊蔣山至此

道適半故築宅而名之曰半山地卑
苦積水荆公鑿渠導入城河按宋建
康城東門面白下橋卽今大中橋橋
東接燕雀湖俗所稱前湖明太祖塞
之以築宮城者也故出東門往蔣山
須北緣城河至竹橋乃東轉至香林



正七里蔣山寺基今爲明陵由香林
循山麓至明陵亦七里香林山門前
小河西迤通竹橋正荆公導積水之
遺跡若今半山寺高塏不能名白塘
且去獨龍阜才二三里其爲後人不
知荆公名半山之故以寺跨鍾山西

麓庶幾山之半者而假爲名高無疑也香林見有法寶三寺僧顧莫能言其所從來一天然沈香法王座大幾徑丈一象皮鼓一旃檀塔供佛牙重百四十八兩考府志方山定林寺有鼓係象皮所鞞明南戶部庫有鍊梨



聯椅二各容十餘人籍沈萬山家物
鐵梨沈香類也此座當居其一鼓則
定林頽敗後所移置志又載天界寺
供佛牙濶寸許高益其半得自天台
山中今天界所供已不存而此牙奇
偉百倍康熙中故龍江權使曹練亭

侍郎遊香林見佛牙大呀之寺主爇
炭焚牙炭燼而牙不傷侍郎感慟爲
清釐寺基葺殿宇置香燈田畝寺得
大曉徹公中興以至今今主寺者曰
海量禪師受法於悟通長老住持十
載連搆歉收搯挂百衆旣備艱辛更



被狂風拔殿前宋樹折棟摧桷修復
之緣歷年未集乃爲之普告十方虔
傳十戒利根法器不遠千里法輪之
轉其機將於是乎在矣予訪古金陵
興懷半山碑碣已泯志乘同闕當茲
勝緣例有刊刻雖依科宣揚不錄戒

語而前載證師後列壇衆不脛自走
尊比付囑故廣稽博辨正其訛誤俾
弁戒錄之首手蹟永留寺中固未足
接武旂芾張海公之名遠紹實公而
頓豁羣疑灼見真實不致繫頸珠修
跌足者蹈隨聲虛妄之惡是亦予之